

抱真書屋詩鈔

抱真書屋詩鈔卷四

雲南叢書集部之五十四

家自陸應穀稼堂

慈烏行

白楊樹頭白頸烏飛來飛去繞枝呼老烏穩向巢中住
呀呀張口待兒哺兒食出口母食入腹母不得飽兒不
敢宿慈烏慈烏爾何知報親之德乃如斯吁嗟人生七
尺軀乃不如此烏

舟行

朝愛看山起嫌遲暮愛看月眠嫌早山月照水水漣漪
翠色清光成兩好人生哀樂傷中年百歲隙駒真草草

安能扁舟泛五湖漁笛一聲煙波小

祭風臺

在嘉魚縣

江上崔巍尙有臺祭風野語費疑猜天公自與周郎便
父老猶誇漢相才樹色蒼蒼千劫換江流滾滾二川來
武昌西望頻回首日暮蒼煙鎖不開

舟行大風

北風吹水水倒立驚濤轟起怒衝激扁舟乘勢相吐吞
一起一伏長敲側忽然轉舵疾於矢回首青山數十里
風聲水聲兩不知鞞鞞喧呖時在耳我聞羅刹之江潮
汐來強弩三千射不開又聞滄海鯨波高萬丈號呼颶

母如震雷人生蹤跡易飄泊南北東西天地廓安得然
犀照牛渚亦擬乘槎泛碧落壯心未遂尙窮途望斷鄉
闕客夢孤對此艱難百憂集茫茫顧影空踟躕

登岳陽樓

羈客年來事遠遊鄉關西望日悠悠家離吳楚三千里
人在東南第一樓如此湖山如此月最宜詩酒最宜秋
安能憂樂全無與老向梅亭豁醉眸

地有梅亭

洞庭行

浩蕩接天洞庭水浴日涵星八百里魚龍濺沫成雨聲
風雷排浪如山起扁舟一葉岳陽來浪花掀送疾於矢

君山圍山兩青青雙螺搖動銀盤裏人世危途曾飽經
客路驚心無過此僕夫眩暈不能餐舟子倉皇欲出涕
年來勘破死生關對此憂愁轉中止推蓬坐讀南華經
安危付之自然耳

湖畔卽景

岸草爭青野水肥微風撼浪雨霏霏
啞柔櫓輕搖過驚起鷗鷺作對飛

小小人家結屋低
蓼蓼柳樹與簷齊
柴門靜閉無人影
惟有黃鸝盡日啼

妝點殘春野菜芳
疏花萬朵碎金黃
湖邊冷落無人採

蛺蝶雙雙獨自忙

嫩波汨汨雨疏疏
綠樹陰中賣鰕魚
識得江鄉風味好
舟行恰是暮春初

遇風寒甚時四月初旬

首夏猶清和古語信有徵
云何數日間炎燄忽相蒸
揮扇避嘖蚋流汗來營蠅
豈知非時暑奇寒乃相仍
日午北風吹水波蠱層層
倒筒出敝裘重著尙凌兢
天道神變遷人事速廢興
朝爲炙手熱暮作寒山冰
丈夫貴自立趨避無世情

清浪灘

昔下清浪灘水清照鬚眉今上清浪灘水濁雜淤泥云
何清濁判三春雨澤滋眾流競奔赴作勢無平夷渦旋
舟欲吞浪激檣頻欹巨石當前立疾風猛後推一篙相
撐拄失手成粉糜嗟嗟武溪路淫毒復險危壯哉馬新
息暮年乃來茲

辰溪道中

兩山排似壁一水曲如弓人語青桐杪雞鳴翠竹叢灘
多知地險盜警恤民窮愁絕辰溪路孤蓬落照紅

自武陵來山勢漸多

我家住滇南高在萬山裏自楚始入山羣峰落眼底舉

步窮攀躋仰空天尺咫回首望中州蕩蕩無偏倚中州
何坦平邊隅何巉巖我想混沌初大地皆積水四旁湧
大波中央浪不起及至關丑時水凝爲土矣波大成邱
山浪靜平如砥中州與邊隅夷險遂若此此事誰能見
吾想當然耳

上灘難

下灘容易上灘難陰風號兮白晝寒石累累兮雲盤盤
上有極天蔽日之高山下有驚雷掣電之奔湍飛鳶愁
難渡驪龍睡未安況我輕舟乃欲犯狂瀾繫纜百尺伏
行蹣跚進寸退尺汗不敢乾徒見斷楫與破船漂流波

閒行人當此淚汎瀾上灘難我欲言之摧心肺

泊洪江遇雨

歸來有路向吳西

地有吳西
砥柱一坊

望斷鄉關眼欲迷親舍已

愁雲渺渺客船又值雨淒淒擔頭野老爭挑菜
矮齒行人共踏泥記得昔年停泊處幾株楊柳暮煙低

雨不止

歸帆久向五溪行市地濃陰不見晴山氣分煙連水氣
雨聲攪夜雜風聲雲霓縱慰農夫望泥潦還傷客子情
鎮日艱難愁去路廉纖何事阻郵程

螢

蠅飛野外一流螢宿雨前番已慣經
剩得餘生猶草草可憐數點尙星
星光雖似火何曾熱夜已無鐙
獨自青月冷風疏何處去五更
朗朗照前汀

古廟

古廟無僧門不關數椽零落草萊間
破厨烟盡甕饑竄野樹雲深鶴
暮還香火千年思往事神靈一樣
委空山斜陽紅照殘碑碣爲訪
遺蹤剝蘚斑

偶感

性癖愛山水登臨日不倦况復當
大事卜宅尤可念驅車萬里來
九州半游徧奇峰窮搜攬清泉
肆賞玩流峙

有性情與我如識面美好自相親醜惡易生厭妙理在
人間俯察皆可見無如俗師巫以術相惑煽驚愚矜禍
福譚空鮮徵驗歧多致亡羊玉美反藏燕正道久沈淪
古器雜真贗我欲擴清之一洗眾目眩

扶溪

密密叢蒿兩水灣漸漸秀麥一村環片帆遠帶栖鴉至
亂樹爭招野鵲還容易三春過楚境艱難萬里入黔關
此地始入黔境有貴州塘彩雲深處吾家在何日茅齋得暫閒

楊坪

輕舟一棹出驚湍乍見柴門翠竹攢巨浪長風身歷慣

青山綠水眼重看
暄妍花草新村路
憔悴江湖舊史官
自歎不如驅犢叟
晚歸笑語有餘歡

天晴

天晴蠶婦悅行人
反畏熱天雨農夫喜
行人反畏水我亦不
畏熱農夫愁未歎我
亦不畏水蠶婦憂難
已安得不雨復不晴
長春天氣暖寒輕

目歎

傳舍頻更坐未安
匆匆客路一春殘
平生蹤跡萍浮似
半世人情雪冷看
失意恒多得意少
受恩容易報恩難
天涯不患無知己
相見曾憐范叔寒

悔別東園歲幾更

東園余家別業

懸知蔓草定縱橫高梧秋後

陰全散慈竹春來筍未生身世桔槔同俯仰功名棋局

幾輸贏傷心往事餘悲憤銜石空饒填海情

夜聞苗歌

我自三楚來漁歌長夜聽淒然似含愁感慨無和平苗
民亦能歌啁啾似鳥鳴宮商不可辨但覺愴人情自從
屈子沒楚人悲不勝水濱競相弔痛哭淚珠傾江漢流
何濶沅湘流何清流恨不能盡千古發哀聲

苦雨

遠道連宵雨深谿六月秋蛇盤懸壁樹猿竄倚山樓

重千村溼泥多一徑幽酒家聊小憩宿溜滿檐頭

白沙地和王桐門同年題壁

萬重峰鎖暮雲低無數兒歸

鳥名

繞樹啼落日不知途

遠近半輪先已墜山西

孤鳬行

孤鳬孤鳬秋江水冷蘆花疏弱羽披離何處宿朝旣不
得食暮又愁人逐孤鳬孤鳬爾何孤文鴛遠來憐爾苦
攜爾欲與爾同處白波對影交頸舞孤鳬胡無知拍拍
哀鳴不相許吁嗟鴛鴦自有鴛鴦侶孤鳬孤鳬任爾子
然去別浦

歷盡風波宦海中撫躬仍不愧蒼穹推遷世事雲無定

皎潔臣心水與同聚鐵昔年甘鑄錯覆函今日怪書空
惟餘五袴歌聲在唱遍牂牁曲未終

重來治郡政初成寶鏡新磨分外明凋瘵民情勞撫字
蕭條宦況懶經營清廉祇守家傳節慈愛還留去後名
隄上垂楊休折取濃陰曾與覆歸程

室思 擬徐幹二首

一別如電逝相見知何時君有白髮親君有呱呱兒仰
事與俯育妾身獨自支君非輕薄子詎能終見遺兩地

同一心願言長相思

燕燕向北飛終歲有歸期歸期難預定人生遠別離誰
知別離苦空房淚暗垂自君之出矣鉛華屏不施思君
如新月曾有團圓時

禽言

兒回來阿娘釀熟新白醅待兒入門始舉杯兒有呱呱
兩嬰孩終朝抱母啼聲哀兒回來

得過且過飽食安臥喪馬爲禍拾金作禍得過且過

鳥栖曲

嚴冬霜重干林枯野鳥歸來唱烏烏集邊風寒各求宿

離雄繞屋迭相呼中有一鳥失伴侶孤飛啞啞鮮安處
月滿空庭不見人一聲淚落秦川女

移菊初活感賦

汲將新水向籬東灌溉殷勤早暮同鵬茂亦知因地力
栽培終是藉人工疏枝暗長風煙外瘦影初橫月露中
知道餐英終有日遲開莫更怨東風

種菊

久客歸來身暫閒無人鎮日掩柴關三春陰雨渾難定
滿眼繁華欲盡刪攤飯不妨眠北牖倚鋤長自對南山
黃花好種乘時種待得秋風幾日閒

隙地新開祇數弓疏籬編好護花叢憐他生意逢春盛
尚有孤標與我同移得靈根方浥露帶來秋氣自禁風
眾芳莫與爭顏色晚節相看霜雪中

村夜

村居原寂寞夜色轉淒清既雨風逾爽將秋月早明
科頭花下坐負手竹間行不信紅塵客能知此際情

文房多舊侶高會滿京華水閣新嘗藕冰盤晚薦瓜
回思成昨夢分手卽天涯好作閒居賦柴門靜不譁

家居

家居無一事息心學農圃東臯種早秔二月秧出土
北

圓蓺瓜菽布種及春雨寒食昨已過天氣漸炎暑午倦
我欲眠兒童來告語瓜蔓已新抽豆芽復爭吐攜手同
往觀綠意森可睹努力勤灌溉實成定吾許憶昔在京
華冠裳拘束苦願此田家樂風味何太古誓將早挂冠
林泉得安處

垂釣

已作漁樵侶持竿野外行勞魚遊水淺宿鷺點煙明泛
梗悲前事浮漚悟此生扁舟容寄傲何事戀浮名

秋感

鷓鴣聲中草又黃圓林瞥眼盡秋光高梧葉落全無蔭

叢菊花開尙有香幾度星霜催短髮百年身世惹愁腸
半生事業渾疑夢搖落如今感最長

西風蕭瑟入楓林牢落平居思不禁萬里關山勞客夢
一天霜露愴人心西飛鶴馭無消息北望鸞書空好音
明月滿庭人不見先型想像淚霑襟

麒麟山畔日初斜繞屋愁聽戀母鴉冷落三杯村市酒
蕭疏數朶野田花晨星易散嗟朋友逝電難追痛歲華
久客歸來問鄉井團圓能有幾人家

邊城日夜起悲風災異頻仍民命窮寂寞空梁無語燕
流離中野有哀鴻桑田疇望隨車雨花縣頻吹偃草風

救敗均荒非易事焚香何以格蒼穹

衡茅偃蹇一年餘回首都門舊侶疏
簪筆昔曾香案直荷鋤今共野人居
防身豈有千金劍報國難忘一卷書
悵望京華依北斗趨蹌何日向形除

天街日午畫輪馳猶憶承恩退食時
千部笙歌官道徹萬枝花柳御溝垂
朋儕偶值頻中酒師弟相逢但論詩
一卧深山驚歲暮長安游興復誰知

聞道湖湘近用兵豺狼何事尙縱橫

時藍沅曠攻劫武岡州

九重

倍切憂勞意百爾無忘盡獻情事到鉅艱才更少官當閒散責還輕
卽今補救思名世誰與吾君佐太平

貧居終日掩柴扉滿徑蒼苔客屐稀抱樹寒蟬秋獨語
依人螢火夜還飛悲如宋玉魂應斷哭效唐衢淚自揮
剩有苦吟身健在年來典盡舊朝衣

打稻感賦

三月栽新秧八月收新穀春秋已代更日月如轉軸農
夫終歲勤食力恐不足幸逢年屢豐田野皆成熟西風
吹園林耨版聲相續櫛比共登場顆粒皆珠玉老農相
顧歎今歲免枵腹誰知貴公子肥馬飽食粟

丙申立春日作

靄靄春雲日暮遮柴門深閉靜無譁一年事過渾如夢

萬里人歸不似家嶺上海枝方有子庭前荆樹已無花
平居牢落多愁思時物驚心感歲華

人情浮薄輕於紙世事紛紜變似棋白璧微瑕終見棄
明珠投暗便生疑消愁祇有詩千卷撥悶無如酒一卮
自笑浮生容易過南華東郭是吾師

唐花牡丹

牡丹似佳人當春逞媚姿云何傾國色乃在隆冬時人
工奪造化偉哉毋乃奇如吹鄒衍律陽谷春意知長安
多富貴購致不惜貲豈識花開早轉瞬卽就萎嗟哉躁
進子顛覆亦如斯

野望

早起肅冠裳暮歸餐酒肉京師萬人海車馬紛馳逐余
亦墮塵網幻夢久栗鹿昨宵聞微雨清晨遠矚目楊柳
綻新黃芳草浮淺綠鷗鳥隔花鳴天桃紅簌簌陽和已
三月春意今始足遂此物外情永捐名利俗安得玉壺
漏盡醉卧茅屋

抱真書屋詩鈔卷五

雲南叢書集部之五十四

蒙自 陸應穀 稼堂

茅店

茅店雖荒寂家人聚處同
疏窗看月白短榻話鐙紅
夜冷恒疑雨樓高倍惹風
最憐春夢覺啼鳥數聲中

讀東坡四時詞卽次其韻

柳絮作團滿階落東風着意吹
簾幙門前已放合歡枝
欄中待破海棠萼美人揜袖呈雪膚
纖手折花欲贈誰
眼看蝴蝶雙飛去含情自整白袷衣

長日如年晝陰永槐蔭當窗綠
雲冷小池有雨荷葉喧

深院無風鳥聲靜夢回湘簾黛紋顰紅頰潮生粉未勻
愁聽梁間雙燕子喃喃好語訴何人

西風一夕換庭綠深夜流螢點修竹愁人不寐倚欄杆
仰見三星照華屋寂寞空階門自扃菊英團露香滿庭
明月當天人悄悄空聞隔院搗衣聲

積雪皚皚明屋角紫貂覆帽猶嫌薄曉來對鏡畫雙蛾
薰爐香冷筆欲落亂盤雲髻堆鴉輕印胭脂臉襯霞
妝罷無言窗外立忍寒貪看蠟梅花

侯家箒

兩山相逼窄一水繞其麓怪石橫拒之洪波相抵觸激

薄成大磬鐘磬鳴相續驛路人煙通盤空走山腹鳥道
紆千轉半腸疊九曲仰觀天一綫奇峰左右矗俯瞰不
見底蒙茸蒿艾綠道路旣崎嶇況復雨霖霖失勢逢一
墮人命輕馬足少年事功名三載長往復畏道今重經
吐馭恐不速鳥飛方振翼車行莫脫軸勢將陟高岡誰
甘處幽谷

海門橋

溪水藍於染平橋水面鋪舟通雙海合路阻一山孤窄
徑容樓住懸巖有樹扶青魚誰釣得賤買酒頻沽

界魚石

激江與江川兩地海相近一水橫跨之長繩繫明鏡行
人道路通奔走由山徑云何兩地魚勢若相爭競怪石
立水間疆域成分定銜尾接續來回頭各奔迸異哉魚
無知果誰司其令我疑此石神能使魚退聽細推理難
知坐觀境自勝天巧闢玲瓏樹影空青映若逢米襄陽
攝衣拜亦稱我欲遣五丁移助園林興石去魚自安往
來各隨性

河澗鋪

中途得微憩茅屋在山蹊古樹盤千尺春流漲一溪客
心隨路曲鄉夢入雲低關嶺回頭隔蒼茫日又西

宿園倉有憶

黃鶯已老長無語
綠竹雖濃不見花
靜掩雙扉春色暮
依稀猶認故人家

門前綠柳尚依依
門外青松已合圍
惟有樓頭雙燕子
年年仍似舊時飛

至會城

家貧終歲苦躬耕
游宦重思萬里行
故舊有情憐范叔
路人何事羨班生
碧翻麥浪春將老
紅入花枝雨乍晴
屈指離鄉剛十日
清明過了數郵程

此地曾經講幄開

乙未掌教
五華書院

故人三載又重來
松杉樹

老心長在桃李陰
濃手自栽濟困不妨甘
苜蓿得時終
欲住蓬萊文章報
國儒生事慚乏文園獻賦才

黃龍潭

奇峯聳空青古樹鬱深綠
清泉石窟噴千年老龍伏
跳波多游魚鼓鼉努其目
云是龍子孫無人充口腹
于役屢經過愛此境幽曲
蔭美塵愈遠流清心可浴
獨惜龍太懶空自長鱗族
今春久無雨安眠恐不足
我欲鞭龍起騰雲致霖霖
安得佛圖澄攪鉢令龍縮

早起

妻孥貪遠道早起理行裝
掠鬢驚風急添衣怯夜涼
鐙

青疑雨氣月白訝天光愁煞荒村路征車竟日忙

嘉利澤

湖氣連天白山光接海澹煙迷遠岸細草滿孤汀鷗鷺浮家濶魚龍踏浪腥漁舟何處去欸乃一聲聽

河口

山凹通驛路衡宇夾溪流野菜飢人飽茅齋倦客留徑危難縱馬水淺不容舟午夢憑誰覺雞聲滿樹頭

小雨

耿耿天光透小窗曉風吹雨暗殘釭起來跨馬出門去燕子迎人飛一雙

菜花

種菜滿東園朝夕勤灌溉陽春一以敷嫩葉搖青翠花
開如散金籬落黃光碎紛紛蜂與蝶往來同游戲老翁
恣採擷晚餐當精食老婦閒梳妝簪香滿椎髻惜哉貴
公子未知淡泊味紅藥價量珠輦金牡丹致轉瞬數十
年名園成廢棄何如老吾圃悠然長得意他年歸買山
畦町勤樹藝

午睡

一枕膏騰春夢成征與十里午風清京華城郭依稀見
故國山川次第行綠樹成帷遮道密黃塵如霧點衣輕

醒來自覺村墟近布穀頻呼四五聲

游青雲山

獨步青雲上奇峯特地高樓衙天半日松捲霧中濤徑
仄攀躋險僧龕門訊勞探幽真得意倚石首頻搔

滇南勝境

勝境坊頭路一條滇山歷盡馬蹄驕麟峯西望家鄉遠
鬼國東征去路遙兩地封疆爭此嶺地卽分水嶺三春

風雨剩今朝時三月晦日離懷倍覺添惆悵賴有山花慰寂

寥

首頁

匆匆客路送餘春綠樹陰中夏令新
人到黔中剛四月我離巴甸已三旬
落花滿地同鋪錦小雨連宵爲洗塵
正是清和好天氣子規聲裏促征輪

食枇杷

黔地枇杷四月黃一錢賤買任新嘗
綴金滿樹圓成彈剖玉堆盤潤有漿
消熱全憑味酸澀宜人可是氣清涼
和羹應與鹽梅伴玉食何因薦上方

松歸寺次高鐵嶺韻

松歸尋勝迹衫袖翠光流竹影全遮徑
松陰半入樓行蹤同泛梗心事自虛舟
偶共山僧語禪房且暫留

白沙途中

奇峯立如筆怪石卧似虎朝曦淡不紅霧氣恒欲雨茨
栗已開花包穀漸出土首夏便深秋清寒不知暑于役
早經過寂寞少行旅遙聞懸巖上隱約細聲吐環顧不
見人疑是山鬼語

曉鐘

曉鐘何處送破夢數聲清扶枕人剛醒銜山月半明殘
缸紅漸落虛牖白微生霜滿前村路衝寒怯遠行

茅口和傅雪樵王桐門二孝廉韻

又別鄉關事遠征黔山高處瘴烟生雲峯聚作爲霖勢

江水奔如出峽聲豈有鯉書傳客訊好憑鶯語報郵程
雪泥兩度同留迹異地相思倍愴情

陰雨

天氣黯深墨朝霏淫林莽煙霧自飛結山容隨飄蕩花
光近始鮮鳥語遠猶響四月如深秋薄寒氣蕭爽連日
苦亢旱農夫昊天仰一雨遂及時萬物皆致養余亦有
心人憂樂共天壤歡聲四野騰快哉此長往

出鎮寧寒甚

雲氣浮空煙四圍桐花凍日雨霏霏地爐向煖家然火
山徑衝寒客覓衣巢裏鷓鴣無一語花閒蝴蝶尙雙飛

喧闐村女來何處爭看城中浴佛歸時四月八俗何浴佛

花苗

蓬鬢丫角走如犢短衣蔽髀赤雙足男兒十五學帶刀
女子十三能唱曲春草青青春花香山凹唱徹瘴雲黃
一聲蘆笙吹未已飛來蛺蝶盡成雙

狝家

青衣縞袂狝家女足白如霜面如粉翠地桶裙六幅拖
花貝圍腰三尺緊三月桐花滿道開踏歌結隊下山來
山下逢郎相媚嫵花間攜手共徘徊

阿若塘店野花草甚多賦一章

茅屋大如斗芳草羅四壁林禽實已青牡丹葉尙碧
酴醾上窗櫺薜荔緣階石縱橫五子連綴架無閒隙爭開
鳳仙花含苞微露赤黃菊有秋心瘦影倚翠柏迎風各
吐豔帶雨自成色種種足怡人流觀彌歎息愧我風塵
侶不及林泉客卧雲依巖谷種花閉柴柵

蝶詞

蛺蝶子雙雙飛南浦煙深芳草綠西園露重百花肥
羨爾翩翩真得意九十春光任遊戲分付東風莫亂吹日
落穩向花房睡

澄滴墀

滴水皆澄澈溪流靜不喧好山緣種樹小屋自成村麥
漲晴畦浪苦鐫石徑痕誰與高隱者寂寂閉柴門

清鎮縣

重過清鎮縣泥印記前游路直樹添曲溪灣石截流種
花賢令去前令與余有舊把酒故人留夜雨增新翠嵐光入醉
眸

黔靈山

黔靈勢幽阻石滑多老木古寺盤其間雲影繞階緣登
樓萬象空脩然遠塵俗快哉老衲子閉門種修竹

雪崖洞

曲欄映流水老木接層軒古洞自開敞象設仙佛尊
夏不知暑清風時到門晚來月照崖疑是積雪存

聖泉水

汨汨聖泉水盈縮應漏刻衰旺更因人卜錢定凶吉澄
波蕩天機靈氣蒸雲液濯纓歌未終三橋煙樹碧

圖雲關

可憩亭邊路征人萬里行石多山有骨溪遠水無情古

碣傳遺愛

地有遺愛碑

新詩識盛名

詩板亦多

停驂方日午回首

隔重城

卽景

人家住在萬山深，寂寞荒村有路尋。
瓜上疏籬新引蔓，秧分活水未成鍼。
穿簾乳燕留新語，隔樹鳴鳩弄好音。
時物全更春已暮，落花滿地費沈吟。

貴定道中

草色青迷路，人行曲澗中。
竹深長帶雨，柳弱不禁風。
雲氣當頭黑，花光識面紅。
三年經兩度，蹤跡類飄蓬。

響琴峽

溪水鳴幽澗，淙淙聲不已。
有如鼓古琴，旣斷仍復起。
平生好雅樂，靜聽意良喜。
安得抱琴來，一悟成連子。

苦雨

苦雨送人行蕭條日夜聲泥深嫌草淺霧重覺衣輕地
涇民憂潦途危客禱晴欲將天漏補鍊石可能成

清平

記得前番醉綠醺山城古驛舊曾經人如歸燕來相識
境似流雲去不停婪尾花枝猶帶紫同心梅子已全青
年來倍覺多情甚春夢連朝苦未醒

大風洞

有序

相傳好事者深入洞中遇一車富道有紅裳美
人執扇而立侍女三五輩共促此人登車以扇
扇之大風忽起擁之而升遂墜於數百里外云

大風洞中霧冥冥大風洞外樹青青好山當面列翠屏
石門深杳靜不扃中有蛾眉鬪尹邢問年纔如十三齡
紅衫翠袖佩玲珙手中羽扇九華翎誰昔探奇入仙庭
曲房窈窕芝草馨好鳥和鳴笙磬聽玉容覲面怒使令
侍兒推上五雲輶耳畔仙風吹泠泠頃刻萬里如奔霆
翻然墮地夢始醒爲人傳說感仙靈我今道途雨零零
緣慳無由覓娉婷誰扇好風不暫停洞口崎嶇幾度經
且對山花醉綠醺

雨中游飛雲洞

重來仙境記依稀三徑泥香雨溼衣竹纖衝煙行客至

芒屨著露老僧歸
苔痕夾澗泉長出
松影浮空雲亂飛
何日塵緣能洗淨
談元復擬叩禪扉

華嚴寺

山凹藏古寺
法界做華嚴
院靜僧懸榻
樓高鶴入檐
鐘聲雲外溼
香靄樹頭黏
會得禪宗意
山花笑欲拈

鎮遠

人煙萬戶稠
夾岸盡危樓
城帶雙山鎖
橋吞一水流行
人同駐馬賈
客盡維舟
幾度孤帆挂
鴻泥記昔游

晚泊清溪

來泊清溪縣
人聲渡口喧
漁燈腥晚市
螢火點孤村
此

地三年別扁舟八口存夜深思往事相對默無言

萬卷書巖

溪水碧於樹高巖截溪住巖石何鼎鼎洪流推不去排
比成方冊萬卷藏書處異草爲標籤紅霞如錦布奇境
快幽探俯仰良自悟人生戀浮名歧途空馳驚讀書祇
求官毋乃適自誤輿服爭炫榮典籍成禁錮所得不償
失百年一夢度何如事蒐羅得新無遺故

舟行雜詩五首

輕風吹片帆浪花激如箭青青眼前山回頭忽不見
山凹老樹橫上有樵夫路招手欲與言負薪卻歸去

懸巖瀉飛瀑深樹隱茅屋山鳥自驚飛山花落簌簌
朝煙黯不開濛濛一溪兩岸頭不見人隔樹聞微語
叢篠綠溪綠高柳隔岸碧釣雙兩三人持竿坐磐石

放言

誰謂泰山高著屐卽從游誰謂滄溟濶乘桴便可浮天
地至廣大瀛海寰九州藐然寄此身朝暮若蜉蝣茫茫
蕊珠宮迢迢白玉樓安能乘黃鶴俯視凌滄洲

仙人橋

兩山不斷青一水自然碧西風吹晚虹墮地亘千尺

武溪

衡山高聳青霄上，譎詭煙雲莽殊狀。靈氣散在湖湘間，
千巖萬壑競奔放。武夷滔滔西北來，綠雲浩淼浮春漲。
怪石截流利於齒，古洞嵌空吼驚浪。我乘扁舟五月過，
椒花落盡劇煙瘴。履險自知心坦夷，探奇倍覺神清曠。
翠篠青松如熟識，翻枝舞葉各相向。風靜閒看釣叟立，
月出時聽榜人唱。仙人招我白雲閒，青峯疊疊列屏障。
我戀主恩不敢留，輕帆便乞天風颺。泉石於我非無
恙，緣他日功成應退訪。魚鳥莫增別離悲，洞口桃花尙無

芙蓉樓

綠柳萬千條臨流繫畫橈登樓望江水空復憶龍標欲
把芙蓉贈斯人逝已遙徘徊何所遇明月夜相招

晚泊

野色茫無際征帆暫此停雲開山吐月霧斂水含星亂
噪尋巢鵲低飛入戶螢漁家猶不寐隔樹一鐙青

喜晴

仲夏久積陰十日無一晴農夫憂水潦余亦苦遠行今
胡南風競浮雲滅不生早起視林薄杲杲日已明葵藿
有本性對此心自傾世路本艱難慵疏况儒生攜家萬
里游沃野棄不耕豈無桑麻資顧戀徒役形田園數十

畝推讓弟與兄策蹇節前路夢魂思帝京拙宦分已
定素餐非吾情報恩不在大隨事但求成北門固賢者
謝傳出東山區區豈爲名

五日

扁舟五溪來輕帆疾於馬朝泛驚波間暮泊絕壁下出
門始暮春匆匆已夏假異鄉逢佳節酒食皆苟且村人
習競渡龍舟隨流瀉屈子魂不歸鉦鼓空盈野我依蓬
窗坐煙雨愁飛灑飄飄三千里猶是長征者

辰州夜坐

萬櫓中流夜有聲澄江一曲抱孤城燈光入水龍蛇動

塔影浮空鳥雀驚
撩亂鄉心增慷慨
纏綿病體強支撐
丹砂何處能求得

地產丹砂

好向嵇康學養生

觀競渡

江邊擊鼓何闐闐
滿村來觀競渡船
船頭白波起千尺
踏波奮勇爭相先
萬人騎龍同拍水
相將叩水求屈子
屈子當年沈汨羅
楚國至今悲未已
神巫招魂舞婆娑
誰其繼者有曹娥
臨流一痛尋親去
江水江花歎息多
忠臣孝女今何處
兩岸蒼蒼祇煙霧
我來憑弔聞悲歌
落日返照青楓樹

桃源道中

溪水不斷流出險得平地山遠天彌寬岸樹浮空翠雨晴增媚色野曠減暑氣桃源知不遠問津思一至

偶成

青青兩岸樹送人長沙去水行雲俱流山青日欲暮時聞搖櫓聲咿啞鳴不住驚起白鷺鷥雙飛入煙霧

築隄行

大江之南水滔滔長風拍水生怒濤一瀉千里少停蓄防其潰者金隄高隄畔家無數田廬各相顧行潦乘時來修築惟恐誤縣官下令催役夫千人同聲攜畚鋤計口出丁並出錢賤買竹木吏抽租隄邊土石貴如玉囊

沙築之沙疏疏一版兩版日不足三版四版聲相續隄
首加土隄根掘雖培隄首潰隄腹哀哉斯民勤修築秋
水大至沿隄哭安能長久計良圖誰與此方爲民牧

晚坐

晚來長隄上颯然涼風生居人皆散處余亦樂閒行茂
林得美蔭暫憩良適情村老競相覩問我去來程地僻
民風古語言識其誠舟中苦長熱樂此野氣清坐久渾
忘疲山月照水明

有感

蕭蕭江上晚風寒一葉輕舟上碧湍世路艱難身慣歷

人情冷暖眼重看鳩居自笑營巢拙
鮒涸方知得水難
回首半生增感慨
支離深愧老儒冠

白鷹行

君不見白鷹颯然凌空下
驚掣天風吹灑灑
林深鳥寂擊不得
飛掠空江饑無食
江邊有魚游淺水
禿鶯聚族啄魚子
仰面見鷹笑鷹勞
鷹不食魚鶯無驕
忍饑且待霜天高

蚊

畏暑不成寐
中夜蚊擾擾
爾蚊本么麼
潛行類宵小
日晚成雷聲
聚族知多少
飛來啣肌膚
紛紜到天曉
誰人

非膏血取之供一飽反掌擊已斃性命輕如草貪婪祇
自傷知機胡不早

晚霞

晚霞隨落日爛爛在山西明月照澄江水天一色齊宿
鳥趨茂林歸牛下村蹊牧童行且歌悠然自忘機願我
行役人茫茫多憂思

望嶽

劇喜衡山近撐空散曙光五峯鎮荆楚九曲俯瀟湘白
岳雲無影青天鴈自翔何當謝人事拄杖陟崇岡

目病成十四韻

風霾將人欺雙目作老態精變琥珀光勢恐雲霧蓋睫
毛倒似拳虬絲盤如帶清淚日夜流視遠終防礙精氣
不保嗇客邪感於外自維闕養生以茲罹患害吾目本
清明瞭焉晴在內日星窺轉移山川窮變怪人物與古
今縱橫閱成敗俯察及秋毫所需豈不大過用或有傷
恃強終自壞邇來疾痛加矇矓神日憊旣往焉可追反
視今自愛慎哉保真元更勝刮筓快

浮湘詞

江頭日日畏風波竹影斑斑兩岸拖欲弔湘君何處是
一帆煙雨離情多

山花野草傍籬
扇柴門臨水開
女子十三能蕩槳
輕搖蒲扇過江來

舞風樹影不成團
眠月鷗羣祇覺寒
一幅瀟湘好圖畫
扁舟載取晚來看

登鴈來塔

鴈來高塔俯江邊
客子登臨興渺然
日落長沙千里霧
月明湘水一村煙
舉頭自覺天梯近
側足猶將鳥道穿
絕頂易臻須努力
置身高處便神仙

欲游衡山因雨未果

名山如名人相見
亦有數傳聞
五嶽尊秩宗存典故南

方配朱鳥衡山峙天柱傾心亦以久覲面翻成誤雨師
解妒人溟沐阻行路七十有二峯峯皆煙霧仙人乘
雲車縹緲不可遇林壑何幽深仰止慙日暮歎息掉扁
舟惘惘卻歸去

孤鶴

矯矯離羣鶴尋巢獨自歸空聞聲在野不見伴同飛月
落清江冷林空白露晞稻梁無用啄誰念腹長饑

舊圃

莫道微蕭索年年舊種蔬餘香今尙在生意晚何如小
草猶憐爾新花豈戀渠世人爭眼底誰念本來初

榜人兒

榜人兒嬌且癡六歲牽衣隨父嬉浮舟江上危不知兒
生本頑劣況與煙波接船尾學轉帆船頭學鼓楫自謂
安穩如平地船舷來往任遊戲兒父不聞訶斥聲兒母
翻謂兒聰慧連日雨不休艙板滑如油兒竟失足墮中
流手揚足拍如浮鷗稍待須臾命卽休旁人見之救無
由兒父不惜輕身投雙手捉兒起救兒洪波裏兒父命
苟存兒身幸不死吁嗟江湖險如此父子骨肉本天親
倉皇赴救兩俱存願兒無忘父母恩君不見榜人救兒
忘其身

緯夫行

緯夫緯夫百役皆可爲母爲緯夫役夫誰不苦緯夫苦
難數緯夫緯纜上高灘汗流滴地不能乾有似爬沙蟹
郭索又如曳足獸蹢躅五月炎炎天如火船中貴官納
涼坐羽扇交揮不暫停猶捧冰盤薦佳果吁嗟緯夫乃
在烈日中高崖仄岸午無風背負千鈞重力盡終須用
不用力船卽住老榜譙訶貴官怒老榜訶猶可貴官怒
殺我吁嗟緯夫之苦苦最多緯夫緯夫可若何

江行

江行逢五月一雨忽如秋細草濃遮岸孤禽遠送舟風

聲催水立雲意隔山流短夜難成寐羈人易惹愁

出長沙

昨泝湘江來今望洞庭去回風一飄揚長沙知何處淒涼賈傅宅蒼蒼在煙霧回首高城中萍蹤空一度扁舟至岳陽再尋君山路春茗尙青青飲豎同甘露深愧俗緣多失此山林趣百年如飛電紅顏誰復駐神仙九還丹未必將人誤

飲酒和李北園明府原韻

不解貪杯杓尋歡亦偶然每於花月夜竟上友朋筵味薄無嫌魯懷清欲避賢狂名猶未甚誰是酒中仙

舞劍

剩有龍泉劍腰閒試一鳴酒酣時起舞魑魅敢橫行電
掣寒無影風飛颯有聲壯心長不死麟閣問勳名

晚步

亭午畏日蒸將晚斷港泊破悶始登岸攬景健腰腳豆
苗已青青瓜瓠架連絡微風搖細草輕煙散林薄遙看
洞庭水清接天宇廓歸舟帶宿鴉帆影隨日落茲行亦
已苦顧此良足樂羨彼抱甕子名利安可縛

阻風

去家九十日離京四千里悠悠乘長風茫茫泛遠水風

水阻我程尙泊瀟湘裏洞庭已在目欲涉波瀾起遠道
我心憂長征何日止行者不如居寄語宦游子

泛洞庭

洞庭無限水獨客一舟行人稱蛟螭氣風多鼓角聲催
帆飛鷁過送權暮鴉鳴遙指君山上雲煙數點清

望君山

昔日泛洞庭舟泊君山趾今日下岳陽君山落眼底可
望不可至輕舟隨風駛祠南樹青青行人空仰止

湘妃祠

朝煙古樹春夕月空牆影環璫寂無聲風吹斑竹冷

半月湖

湖水清漣漾綠苔輕搖小槳美人來羞從息女祠前過
滿樹碧桃花不開

橫橋低跨水西東小閣開窗三面風斜日半竿人影亂
茶煙輕颺柳陰中

六月廿四夜

故里星回節

南詔以六月廿四爲星回節今猶沿其俗

孤城月暗時家書隨

鴈寄客夢有鐙知殘暑催秋近深更轉漏遲蕭條官署

內入口暫追隨

鳳樓山晚眺

鳳棲山色好秋近晚風微落日隨江盡孤雲帶鳥飛晴
川千樹合賈客萬帆歸極目天涯遠萋萋草正肥

夢家

故鄉五千里行人一百日迢遙去已遠魂夢忽飛越東
園竹青青籜粉多新色入門鸚鵡呼家人驚遠客握手
共歡笑覲面嗟遠別絮語未及終忽驚關塞隔鷓鴣旦號
我前蟋蟀鳴我側遠在漢陽城冷暑風蕭瑟欲歸竟無
由月落孤城黑

微雨

微雨帶秋來涼風動庭竹萋萋窗前草生意尙含綠一

蟬鳴樹間清響戛鳴玉客子倍驚心時物感幽獨京華
路未半中道猶止宿蟋蟀催宵征欲往待我僕長恐歲
華流白雪礙車軸

感懷

遠道馳驅已半年扁舟猶泊楚江邊暑天暫借蕭齋避
秋意新從梧葉傳作客情如梁上燕耽吟身似樹頭蟬
無聊時向龜山望北燕南雲兩渺然

夜坐偶感

大江日夜流東逝何悠悠歲華去如水方春已復秋西
風吹庭槐涼意生高樓夜久獨憑闌仰見女與牛河水

清且淺佳期待綢繆匏瓜獨無侶長繫天漢頭玉宇何
茫茫悵望增離憂

登舟

行蹤到處便爲家一月勾留楚水涯明日扁舟江上去
回頭憶煞漢陽花

蕭蕭木葉下江頭一夜涼風水國秋明月亦知人欲去
半鈎猶自掛行舟

卽景

紅蓼疏疏葦葉肥垂楊低處隱柴扉扁舟卻向門前過
無數蜻蜓相對飛

夜泊揚子口

滿江煙月半帆風
兩槳輕搖水鏡中
遙指前村停泊處
綠楊影裏一燈紅

微雨

微雨帶秋來
涼風吹我衣
蟋蟀中夜鳴
永懷暮歲悲
鳥飛各尋偶
葉落不依枝
游子志四方
中道尙遲遲
扁舟楚水濱
仰視浮雲馳
景物速變遷
茫然增百思

江村

暝色暗山徑
秋容連遠村
鴉飛猶戀母
稻熟已成孫
樹密風難定
江深夜易昏
野人無別事
扶杖立當門

蟬

秋日寒蟬噪滿林
縹絲軋軋綠陰深
一生飲露饒清節
幾度臨風送好音
未必藏身真有術
偶然鼓翼亦無心
乘時不覺天真發
聊與騷人助苦吟

中元

霜露愴心神
杯棬思手澤
設衣存古風
傳此中元節
瓜菓齊薦新
酒肴甘且潔
游子遠行役
此禮遂廢闕
豈無追遠心
道路苦倉猝
秋風吹漢水
扁舟侵曉發
迢迢數千里
永與鄉關隔
風木感新悲
灑淚對江月

蓼花

瘦葉叢花秋雨餘夕陽影裏一枝疏可憐開落無人問
老伴江干漁父居

江頭女

江頭女兒雙丫髻荆釵插戴少珠翠閒依阿母肩後立
含笑那管人間事春去秋來總不知朝學縫紉暮鳴機
長成嫁與鄰家子殷勤操作無佚思城內嬌娃顏如玉
調脂弄粉巧妝束十五于歸得高門奢佚太甚生怨讎
我思娶婦不如貧貧者有德能事人世人往往爭富貴
富貴之女多驕矜

田家

三月秧新栽八月穀盡穫田家終歲苦博得數日樂西
風吹野田雲黃霜刃落櫛比慶登場遺粒歡鳥雀餐飯
不求精飲酒莫嫌薄速償官家租毋使吏來索吏來惡
如虎登門急剝啄雞犬不得安婦子皆驚卻

過多寶灣

野曠山俱盡江空水自流蟲聲荒草岸帆影夕陽樓客
路經千里家人共一舟離憂已忘卻不覺又新春

泊石牌

泝水征帆卻緩行石牌塘下數郵程風前水鳥雙雙去
雨後秋蟲處處鳴殘暑未收人欲病空江相對月多情

晚來試向沙隄坐靜聽鄰舟撾笛聲

夜坐

息心愛久坐良夜一何永空江殘月落星河猶耿耿鴉啼村樹近鷺宿沙洲穩小蟲撲秋鐙寂寞船窗影西風吹我襟葛衣偏耐冷撫景再三歎幽懷誰能省

安陸道中

目斷孤城遠扁舟緩緩過鳥行泥有迹魚躍水成渦近岸黃沙墮中流白浪多欲催牽纜速其奈石尤何

安陸府

兩岸黃沙滿路塵孤城近在漢江濱滔滔白水雙飛鷺

莽莽蒼山一遠人勝國龍飛王氣歇中原地近土風淳
前途好聽銅鞮唱莫爲秋光更愴神

上水船

上水船行緩緩衝風怒號白日欲晚日行數里行行復
止瞻仰昊天愁風愁水牽纜上灘灘深水寒蛟鱷伺人
慈烏悲酸哀鳴送我我淚難乾驚波莫舞繹夫最苦進
寸退尺汗流如雨言告風伯恤茲民力從流上下長順
毋逆

憫溺人

吁嗟乎人生何爲至於此江行頻日多西風踏浪爭先

誰氏子茫然失足墮中流微軀七尺沈波底蛟龍食血
魚食肉骸骨無歸身竟死攝衣招魂不可得淒惻一片
空江水身死家人尙不知忽夢歸家顏色喜可憐牀頭
相見人已隔茫茫泉路裏吁嗟乎人生何爲至於此

晚泊豐樂河

不識人家近微聞犬吠喧繁星青映水老樹黑成村風
急舟偏緩山高夜已昏祇愁停泊處新漲沒苔痕

秋草

秋草自芳菲乘時亦暫肥祇知顏色好不見雪霜飛清
露連朝冷春風一度非獨憐江岸上含綠對斜暉

晚稻

野田多晚稻秋老尙離披
播種何嫌早登場似較遲
曾經分雨澤定解濟人饑
好共黃華伴風霜忍自支

斷岸

斷岸隨流水平沙入遠空
扁舟猶楚國古木已秋風
夜暗星爭白村孤火獨紅
惟聞草根下處處有鳴蜩

至襄陽

乘舟過鹿門墮淚經峴山
我讀書舊傳緬懷古人賢
勳業羊叔重高蹈龐公傳
風流孟夫子雅詠足千篇
追昔增慷慨撫今恣流連
漢水西北來滔滔去無邊
涼風吹

極浦落葉滿前川茲行半萬里悠悠動經年感此新秋
色悲歌一叩舷

登舟二十日矣撫時感事成三十韻

故里浮雲外征帆古渡頭煙波何浩淼江漢任遨遊徑
泛滄浪濶閒探大別幽楚聲常在耳野色總盈眸渚鳥
飛還住風檣去未休桅高留語燕櫓過警眠鷗泛梗蹤
無定乘槎勢不侔山城頻眺望水國暫勾留岸陡防顛
壁泥多畏淺洲村荒叢盜賊野曠嘯猿猴寂寞經千里
艱危共一舟道塗增客慮兒女解人愁執卷頻詢字當
杯學探籌買梨呼市外覓棗繞牀頭不覺關河異遑知

歲月流平沙皆似雪老樹早成秋衰草清霜重黃花白
露稠侵晨風捲幔長夜月懸鉤雨急鳴蛩鬧天空落葉
浮晚涼忽自警殘暑已全收疲役情良倦勞生病未瘳
雄心餘吐馭壯志剩封侯青眼人誰矚朱門刺屢投書
成同乞米金棄類披裘跋涉將年暮倭遲尙道周張衡
悲望遠王粲苦登樓雖復中原近還聞下里謳紅塵行
僕僕北斗望悠悠何日三山到應消兩地憂遙知鴛鴦
伴相待訂綢繆

舟子請書楹聯口占贈之

煙霞深處漫回頭冉冉征帆又早秋與我有情江上柳

於人無怨水中鷗百年身世當頭月半歲行藏破浪舟
一度尋泥留爪印明朝何處訂新遊

微雨

微雨長連夜輕車欲出門客心愁遠道秋色黯孤村落
葉隨風舞歸鴉隔水喧憑高一瞻望眼底盡銷魂
慣作長征客勞勞已數旬行雲猶帶楚流水自通秦辛
苦經千里艱難備一身馳驅應有意不是爲憂貧
險阻增危慮同行有老親傷心秋後雨多病暮年人傳
舍更何速舟車換亦頻不堪更勞苦明日又風塵

和壁間韻

西風颯颯送新涼
羸馬驅來盡日忙
好事一番成蝶夢
危途幾度歷羊腸
與人交淡緣嵇懶
濟世情多笑楚狂
漫道出山成小草
回頭苦憶白雲鄉

曉發博望

北風吹山雨颯然乘空墜
村樹窸濛濛朝煙生冷翠
客從遠方來千仞無平地
天寒腹苦饑路難悲心意
天上有人飈車自飛馭
手持白玉塵招我青雲際
我欲往從之虹橋高難企
驅馬日悠悠三山何時至
歎息謝我師願假淩雲翅

來日大難

來日大難口苦心酸裹糧行遠不敢飽餐野多蒺藜刺
扎人足川無橋梁泥沒馬腹仙人縮地萬里庭戶欲往
從之懼有蛇虎虎吼當門蛇來咬繩學道不易不如歸
耕東郭有田粟成可食牽牛荷鋤無憂朝夕白雲在山
隨風舒卷無心變化與爾游衍

北上行

駕言將遠邁北上路茫茫黃河起鯨波太行阻羊腸
道馬足穿窄徑車輪方焮風時迴薄撲面塵沙黃秋來
霖雨多盈溝水淋浪客心遠益苦茲行險且長歲月忽
已暮蟋蟀鳴中堂思君不可見白露霑衣裳

曉渡潁河

遠道悵難至戒曉理鞭策循彼潁河濱清淺車可涉風
冷波自碧月明沙逾白野田冪清煙俯視惟一色薄寒
微中人游子心惻惻云何冒霜露歷此阡與陌

新婦

豐

芙蓉生池邊採之煩纖手美女處閨中娶之爲新婦新
婦入門來歡樂滿一家盈盈年十五顏色嬌如花旣矜
手爪異復云容飾嘉耳後珠玉潤頭上金銀華被服錦
與繡璀璨似明霞德功人未知自云工織紗織紗日丈
餘良人相贊誇新婦豔如此故婦空歎嗟新婦日得意

故婦恐遐棄但願莫遐棄豈敢增怨慙

過大梁

驅車過大梁日落秋風起飛沙滿城頭鳴蟲聲聒耳自
昔繁華地今日復何似賓客散如雲宮闕空已矣古人
不可作一去如流水俯仰感今昔憂來何能已人生貴
立名名成身亦死何如王子晉騎鶴緱山裏

昨日復今日相推胡底止今人復古人相繼無終始今
古互易觀變幻祇若此我今過此都千秋陳迹指城門
車馬喧紛紜誰氏子豈無屠狗輩隱居市廛裏不見信
陵君英傑竟誰是飲酒近婦人人生行樂耳

蘭儀縣

最爾蘭儀縣驅車一度行店荒燈火暗春遠暮雲平沙
色晴黏樹河聲遠撼城種花人不見寂寞感羈情

採棉歌

三月棉出土八月棉開花秋風吹綻花如雪千枝萬朵
相交加荆釵蓬鬢田家女侵曉提筐田間語纖手摘花
花滿兜愁煞西山日暮雨日暮相邀女伴歸攤花牖下
掩柴扉將花織布縫妾裙將花作絮慰郎衣郎不力耕
妾苦饑妾不採棉郎無衣郎爲妾耕得飽餐妾爲郎織
禦冬寒饑寒苟免有餘歡不羨人間綺與紈

入山東界口號

飽食汴梁瓜新嘗樂陵棗天涯行欲半時物換猶早涼
風自西來吹枯原上草清霜已戒寒蟋蟀鳴將老骨體
非金石安能長少好願言駕鸞輪來往安期島如何尙
僕僕辛苦紅塵道

和壁間韻

待向蓬山訪舊緣征塵回首轉淒然曉天怕聽雞三唱
隘道頻催馬一鞭剩有詩歌題旅壁不堪風雨送流年
勞人草草非今日辜負南山百畝田

谷曠早行

耿耿星河半不明曉風吹馬問前程一鈎淡月荒村影
十里清霜落木聲野曠長愁茅店遠天寒止覺絮衣輕
神京望裏何時到擾擾紅塵愧此生

過聊城

莽莽望平蕪高城落眼底驛路車馬喧長河糧艘駛夸
俗本齊東吹竽聲聒耳我來正秋深野草黃欲萎候蟲
吟西風嚶嚶長不已繁華過卽空年光如逝水懷古欽
高風吾思魯連子

聞山東有蝗感賦

荒荒野色總堪悲聞道秋成異往時地有蝗蟲知歲警

野多青草苦民饑官家供億非無度東國征輸恐不支
蒿目蒼生應共恤憂天漫笑杞人癡

古驛

古驛無人住蕭條我暫留不堪陰雨夜況是異鄉秋草
滿蛇餘蛻鏡昏鼠出頭更深猶不寐倚劒使人愁

過漫河

黃塵莽與暮雲平細柳依依夕照明

漫河卽古細柳營舊壘不

知何處是行人猶說亞夫營

二十里鋪遇同年吳銓舫買運生

北來車馬走如風落日停驂古店中偶值僕人相問訊

翻欣舊友此重逢共傾竹葉三杯綠且對鎧花一夕紅
絮語未終天欲白分離底事太匆匆

趙北口

村家結屋枕湖邊渺渺湖光水接天十二樓頭風景好
垂楊低繫賣魚船

和商家林題壁

鏡中對影瘦棱棱欲撲衣塵困不勝一覺繁華秋後夢
半年辛苦客中鐙詩情倍覺濃於酒宦況何堪冷似僧
前路不勞龜瓦卜世間通塞兩無憑